

夏亭集
地

~ 16
2324
2



和
2324
卷 3-2



金先生憂亭集卷之三



七言四律

次安邊東軒樓題

鐵嶺關橫千疊重安邊稱號豈憑空
匈奴輕漢非今日干羽來苗有古風
四美二難新面目襟帷榮戟舊英
雄請纓年少綬三十莫道無能繫北
戎

駕鶴樓

荒城喬木廢興知極浦遙山有所思
賦罷白雲人去遠樓成萃表鶴來遲
麗日晚酣紅芍藥細風晴弄碧荷
芰世間萬事空追憶且盡樽前酒滿
危

咸興七寶亭二首

水色天光上下空，冷然身御入窓風。
危樓飛柱中流見，野月涵星四面通。
桂影倒侵銀世界，荷花擎出廣寒宮。
興來獨酌鷄三唱，不覺參橫斗杓東。
數畝方塘鏡面空，靜涵明月動宜風。
土墻當面青山隱，竿竹穿心活水通。
半夜携琴成獨坐，四時佳興與人同。
憑君勿伐庭前草，生意何殊一極中。

初到北青幕府

鐵馬驕嘶細柳風，少年書記未爲窮。
爭持武服趨庭下，好脫儒冠置篋中。
猛士腰間三箇箭，將軍臂上六

句弓。漢家拊髀廉頗在，衛霍休誇漠北空。

初到惠山行營積雪未消有感

社燕初飛別洛中，落花辭樹曉驚風。
谷鶯正轉來邊上，殘雪欺人晚撲叢。
天道定應分內外，聖恩未必限西東。
誰知陽德方亨日，闕北闕南一樣同。

咸興擊毬場

我處東南際大時擊

聖祖龍飛一百春，滄陵風月役詩人。
草木蒲原誰剪伐，江山舉日更清真。
天傾西北龍髯遠，地圻東南楚澤隣。
莫道北門王化隔，周家忠厚自岐幽。

蠹石樓

南北東西閱幾區平生勝事在斯樓風流不減山東
興意氣堪誇飲者流秋日晚霞晴靄正清江群鷺靜
浮二朋簪此日歡遊極白首何須滯遠州

寄琴齋

老櫟誰與說明明白首逢時每自驚只將六絃爲益
友更憐枯木不知情流紅洞裡初忘味見一亭中柏
暗聽孤館寂寥無夢寐獨留殘燭伴長更

無題

一舸從公泛昔年臨江快閣小山前身登木月雙明
處眼豁乾坤不盡邊浮世勞勞成白首空談壘正落

華賤請公暫結逍遙夢尋見華胥國裡天

華胥之國在何方前有羲黃後有唐其道鑿耕非帝
力至今歌頌鏤人腸薰風浩正吹群動壽域熙正遍
八荒然後逍遙真得所一堂風月共稱觴

永嘉自昔擅湖山謝氏風情復此間詩酒從前空漫
浪樓臺是處更躋攀白頭長別腸頻斷青眼相看興
未剛我是此鄉蓬華客今來自幸任閒閒

冥鴻亭八詠次椽亭黃先生韻

擎出芙蓉萬巨鰲晴看百里畫纖毫不堪潘郎吟來
苦且學微之視獨高蒼翠作誰濃畫幃英靈管幾好

林臯吾衰憶得前時健一宿登峰不覺勞

右頭流積翠

孔巖西轉石屏圍野鳥沙禽拂幘飛
窄路無機空攬落溪山有約肯依違
主人挂笏看朝爽漁子披簑冒雨霏
佳處會須分與我青嵐好淬白蘿衣

右西巖爽氣

岸柳時已不受風樓臺倒影鑑爲空
波心可弄鎔金月潭底誰探抱寶龍
邱壑我今先作相江湖公獨待成功
有時雪月尊鱸興即時山翁訪釣翁

右釣月澄潭

天生深地有層壇三樹凌歆特地寒
更著樓臺出天半祝疑風露非人間
躋攀此日間清瀨經過前村只翠團
最好浴沂風詠地主入會是一童冠

右樹亭清瀨

亭壓溪流清且漣窮源我獨識
指口雖無七點黃山勝亦有三叉
駕洛川直割雪沙行碧玉靜涵星月各
青天人間塵土多如許不到滄波白鳥邊

右三叉別派

十二懸珠點碧天楚山縮地忽移前
翔如啄木一空鳥望似雲鬢群女仙
齒齒傍開粧更艷西湖橫遠與

爭妍櫟亭可具登臨眼收入新題上彩牋

右十二奇峰

有波如鏡點萼荷蓋盡寒光一色花萬古瀛溪雅獨
愛東吳十里不須誇名爲君子終難襲德亦馨香定
不邪滿眼紅酣何所似江天日落散餘霞

右大澤紅蓮

登臨野興屬參農浸得千畦水有功耕耦雲趨迷望
裡踏歌雷動殷空中南薰正解吾民愠白帝行看我
椽同載酒勞動非所願身鋤欲挽古人風

右大野農歌

送別

四山濃翠排窓入一帶清流繞屋來雙沼元因灌圃
鑿片門直爲送窮開青蔬白酒勸人醉舊簡新篇留
客迴欲報瓊瑤慙木李從教騷老作輿臺

寄送公輔還京

公歸指日便朝君二載南荒又別群夜已夢懸滄
海月朝已行近漢山雲燈殘半壁魂猶耿雨滴空堦
耳有聞多病不知遊宦好白頭無術補華勳

次韻黃獻之見寄之作

四月炎方不脫綿鏡中枯貌失芳年清時羸疾追鶻

後落日歸心在鳥前
虛閣曉侵雲影白
空山夜轉瀑流懸
幾回細料幽人事
夢去扶犁起廢田

星州留別士吉

風輕雨歇四更深
別意懽懽共入吟
裴老去家連六載
交遊得子托知音
紅雲捧日歸時興
明月當天別後心
自信兩情同水淡
定無書札惜如金

無題

首二

蕭蕭白髮蒲梳生
一曲離歌取次成
聚散同驚千里面
風塵不隔十年情
一身許國從萍轉
萬顆遺珠覺夜明
落日半山君欲去
餘懷憶盡晉陽城

秩亡賓筵禮數成
三行粉黛未分明
相逢嶺外堪開口
更向樽前細說情
鳥山翠嶺雄南服
斗柄橫斜近洛城
一醉不妨堅素節
古今埋骨不埋名

同飲望湖堂次浩叔韻

首二

昨夜霜風忽滿樓
四山紅樹正逢秋
主人不倦登臨費
勝賞還同第一流
敗絮縱愁寒透骨
閉窗何忍懶攬頭
醉眠亦得醒吟苦
酒盡君當爲我謀

抱病年來樹上樓
乾坤無際此身浮
新知到處多青眼
故友如今少黑頭
春盡尚餘茅草恨
酒醒難禁落花愁
無端狂興生肝肺
高捲風簾不下鉤

敬次宣慰使韻

首二

萬丈蒼崖百尺樓飛甍畫棟入雲浮清波白鳥長橋
外碧樹青烟大野頭放盡蒐羅千里眼洗空塵土十
年愁夜深歌罷賓友散落月西岑掛一鉤
元龍豪氣是高樓俯視人間濕沫浮白水縈回流曲
口青山呈露出頭口詩無隻手能擺興酒欠長兵自
破愁一下南荒知幾許再看新月細如鉤

謹步韻仰酬易窩尊師求教

異地交親氣槩中清標高格少如公使乎授政兼專
對美矣觀周繼古風玉麈每嗟道意阻金尊還喜賞

心同歡娛竟月猶難洽却恨高岑景易終

奉酬上使大人

秩口初筵引上賓暖風遲日正芳春青山似畫呈新
面白水如磨淨舊塵萬里相逢雙刮目百年追憶幾
傷神更起酌君君莫厭此生此去恐無因

贈別

首二

覆雨翻雲俱在手去情留意兩傷人離懷難可三五
豁萬事全輸一笑新且問夜聽東洛雨何如朝灑渭
城塵馬黃馬白君休問他日相逢髮失春
風雨一尊江上路那堪更別眼中人容華似月朝朝

減世事如雲日日新
萬里徒勞飛食肉
百年何厭鼎生塵
叨榮竊祿君恩重
共賞雍熙十六春

金藏臺

斷岸坡陀枕碧流
黃茅如錦被打州
一天景物供詩眼
萬古興亡入點頭
千疊烟霏環遠野
百年喬木認王州
夔涼湖海龍鍾客
懷古登臨不耐愁

次曹佐郎韻

二首

雲海蒼茫鳥與孤
少年那有夢來乎
牙旗玉節客重到
黃葉落花時
累徂竹裡開尊娛
暇日蘆叢斫膾薦
香厨人心會有知
心處醉裡清狂怒
我無

登山臨水未歸身
到處開懷賴故人
白髮黃花俱晚
散清樽王貌共長春
雲中鶴駕如堪
變波上鴿群政
可親海國十年方
有悟金章紫綬總
浮塵

臺巖次浩叔韻

湖山似與人相約
風月何曾負勝流
疑高處著身真
大累忙中得酒破
半愁三更鐵笛迷
歸興落日梅花
勸小留拋却轅門
多少事高秋楓赤
更來酬

無題

四首

江烟冉冉惹毫端
江水澄澄照瘦顏
細鱗鳴邊惟駭
鳥翠林橫外亦青山
八窓勝景雙眸內
一雨寒聲萬

雷間自笑名途長
鬢鬢任他漁叟管清閒

萃髮欺人上鬢端
春來江水洗塵顏
雲中細柳花

樹天際青螺點
點山鳥影孤村
片雨外鐘聲野寺夕

陽間漁翁短艇
鷓鴣波遠一任晚烟相對閒

谷密巖回路轉危
遊春三日不辭疲
溪山景像無今

古人物風流有盛衰
鄙屬踏青瓦藉草酒當浮
白可

盈危雨餘更被天工助
奇色川聲共一奇

晴曉雙峰掉斗間
登臨聊試魯師觀
地連長白山層

出天盡扶桑海淼漫
薄宦縱微歸去易
虛名爲累返

休難半生不做蹇驢興
忙裡忽忙駐節者
右登海晏樓壁上有

前賢之作極欲望日降觀魚臺之餘兩峯只去府三里不覺神魂飛越未克一登縱觀聊賦一律述懷

述懷用清河東軒韻

五更歸夢燭花殘
安用他鄉作好官
天外夕嵐飛鳥

倦馬頭新雪數峰寒
男兒志鄙空危苦
宦海波瀾更

淼漫顏巷卻窩間
日月世人誰識此
中寬

次原明贈琴姬韻代琴姬答之

鳥君空罷刺鞋針
更上瑤臺倚寶琴
絃不能聲綠指

語酒非留客有知音
欲持佳節無丹穴
只把虛名播

士林後會難期成
浩歎今年不似舊
年心

浩邊楊柳正芳菲
挽斷長條愿獨歸
燕子不來春已

謝琴臺無伴月空輝王環着手誰能解
亦稀却掩洞房人寂亡細思量到意依亡

從遊豈偶然
都三百餘里
處尚肯一携
三橋羞伴避
琴兒彈孤鸞
不能說向他
人箇中極抱
豈特云爾

無題

東雲北樹思綿亡已許論交不問年
內名途却愧糝糠前魚登肥几銀刀亂酒壓香槽夜
溜懸興發江山陡起我憐君種秫根無田

崔觀察子真趙兵使堯卿泛舟水營前浦次其

韻三

幕府初秋更近瀛昏朝爽氣滿樓生
放細柳將軍蓋久傾王笛風高橫海碧金樽月射倒
天明遙知八九曾樽豁思盡平生未盡情

鸞啼欲老燕兒飛歎息樽前春事非
去雲山無際鴈南歸星遙天上年亡信月減樽中夜
夜輝芳草落花終古恨早開懷抱莫教違

將軍重客宴樓船風展旌旗蔽海天
瑟十千美酒亞盃絃風帆隱亡依山轉晴靄罪亡
日邊暫借忙中間日月白頭行樂當青年

慶會池敗蓮

披明太液殿西樓玉立亭亭萬柄稠佳實玲瓏登
寶殿敗條零落任清秋榮枯有分天何與霜露無心
物自由但使本根依舊在願言終始禁池頭

籌邊軒次韻

仗鉞南疆無外求許身丹闕作嘉謀波平海水澄如
月草宿沙場度幾秋塞外倭情難可量營中邊事正
更籌自古英雄多集此高軒非是放蕩遊

無題
首二

交情不是在膚皮簿領嗔君了事癡天地豈能容我
輩江山空自越秋時南來幾度懷親夢北望那堪戀

主思世間白首相知少却把金蘭與子期

不用春秋蘊在皮世情端合虎頭癡闕河入夢曾千
里面日逢場此一時命酒詎能知永夜歌商預恐動
離思明朝獨下南湖月老病空餘歲暮期

茅亭

韶萃九十屬元仁陽月風和都是真修竹誰着能開
主茅亭瀟灑暢精神方塘菡萏初芽動等場山茶始
茁新時時休假英雄客是知唐虞世上人

無題
首二

近水溶溶貫一區遙山隱隱蔽方隅蒼烟老木藏官

道破帽寒驢入畫圖古沼風和荷亂出空庭吏散鳥
相呼悠狀獨上高樓望食者耕人起廢蕪

江山信美屢登樓客路蕭々已暮秋攪鏡偏傷增老
醜逢人却怕說清流交情漸覺多新面勢利從來未
點頭匹馬還鄉知幾日耒田已與老農謀

無題

水遠山長路不通當時作別梅息々三成楚夢梨坪
月一醉金樽柳岸風落日江城愁遠笛誰家池館舞
輕鴻明春有約君須記豈蕊花前蝶趁紅

無題

籠中久閉西湖鶴床上猶橫單父琴片雲拍松明皓
彩幽泉噴石滴清音春城夜月徐公意綵綺春風卓
氏心滿眼烟蕪空落日獨來惆悵倦登臨

無題

首二

何入携妓卧東山千古遺名蒲世間愧我一生多繫
累從他九折苦躋攀光陰疾急那能繫華髮飄零不
足剛屈指餘年今半百行將一擲博長閒

奕兀高堂壓水湄開窓偶見月明時眼疑杏靄心俱
靜鷺過汀洲意共遲征馬已回程畔立梅花遙落手
中吹行々萬里猶觀遠此興要傳相識知

次韻聚勝亭

此身何誤卧邊陲
盡日凭欄詠式微
春興亂霜兼淨雪
客懷歸鴈更斜暉
恩浚命賤心惟壯
役重民殘貌不肥
賴是朝家重文德
封疆不見一塵飛

過故城遺墟

虎躍龍跳百戰餘
荒蕪多少古城墟
亡俘朽骨烏鴛食
義烈芳名竹帛書
旗影細翻霜日曉
角聲高捲海雲虛
腰間老劍時龍吼
安市城東更駐驢

用聚勝亭韻送崔介之還京

千里故人相見稀
家山迢遞宦情微
片心暮入雲俱

遠
雙鬢朝添雪
共暉翰墨舊名慚
斗大弓刀新樣恨
身肥丁寧更把陽關酒
莫忘春鴻向北飛

送黃應教

孝獻

許校理

破

尹文學

思翼

還京

青年學士日邊回
白髮尚書興未裁
南浦催歸星散去
玉堂連直夢頻來
新正淑氣催花柳
故里荒田長草萊
雪外參差山不盡
春風獨上鳳凰臺

贈尹文學

我爲西道觀風使
君是東宮侍講官
新德定隨新歲長
舊臣追憶舊賓班
三朝禮訓必先講
博奕陪從戒必端
更勸一盃君莫厭
臨岐不獨別離艱

答黃應教留別

城中車馬日繽紛十里江郊獨送君
春雪欲留南浦客故園應勸北山文
千官劔佩添宵夢雙闕瓠稜隔暮雲
痛飲百杯知不醉遲行色已臨分

附原韻

江樓祖帳雪紛纒南浦從來此送君
杯杓不勝還促膝襟期相諾但論文
樽前慰意唯青眼席上狂言是紫雲
莫把離歌頻勸酒恐教清興灞橋分

次崔介之題練光亭韻

首二

樓上佳人久姓西東湖元不讓蘇隄
金樽玉笋傾浮

蟻錦席芳塵舞白題祇爲親朋橫眼碧
幾因驅使強眉低秋風好趁黃花約莫
學飛鴻踏雪泥五聖南坡玉馬西臨流
搆屋柳爲堤尊鱸舊興秋難待歸去新
辭手自題近水繞城拖練白遙岑橫黛
入雲低教君領取湖山好欲賦還如土
上泥

又和前韻

樓臺相望郭東西表裡湖山接遠堤
勝地難逢頻舉酒浮生易散勸留題
江山信美身如寄官職雖高興已低
何況近邊生瘴癘幾人骸骨委沙泥

西京諸秀才遊東門亭病不赴會

東門形勝壯西京年少逢場好放情錦繡山前新雪
霽鳳凰臺下晚潮生雖妨老病衝寒去且喜親朋引
興清卧想鬻遊難遣悶短篇聊助管絃聲

次韻許正字留別

思君不獨夜開筵為是年來減夜眠芳草浮雲愁遠
客落霞孤鷺誦高篇風流地勝人非古鍾鼓更嚴月
半邊明日大同江上別添波老淚恐汪然

酬李希剛

首二

珍重同庚李貳公頭鬢各自雪蒙戎年裏更惜親朋
火身在寧憂酒盞空鄉夢客燈和夜雨巷槐打柳正

春風無官勝似居官者社會花筵作長雄
浮生會合非人力安穩何須歎別離初擬分司探勝
事轉多忙日少閒時北魚南鴈關心久渭樹江雲入
望遲四十二州同痼癘回天無路但傷悲

罷崗東軒諸公留題仍次其韻

故人陳跡兩悠悠一值東風一值秋聚散頻驚同泛
梗襟懷自信擬虛舟濃陰滿地成幽興活水通池問
上游泉石一生真有癖前驅已發更淹留

書驪老寄兄詩尾

慕齋已卯後
退居驪州

欲說離懷却惆悵清時擯廢益堪憐驪江望眼春打

晚鴨水歸心落日邊
病兄憂情幾斷身
輕恩重箭方傳
一生忠義粗酬了
風雨他年對榻眠

碧團鎮次韻

平安監
司時

聖恩洋亡北海濼微臣
那得卧雲林桓亡武略
隨忠瞻烈烈雄謀激
壯心矢死唯能全
大節捐軀何恨少
知音衝冠怒髮還
成雪仗劔長嘯淚
滿襟

寧邊飲曹節使園中用容軒韻

清曉開園坐日斜
一春深覺負鶯花
鼠牙雀角甘棠訟
緩帶輕裘細柳家
舊好他鄉同把酒
新痾五月樹穿紗
憑君更奏南風曲
分與西民答物華

熙川道中

峽束崖崩棧欲傾
菊黃楓赤總心驚
頻年馬上看秋色
盡日林間聽水聲
西塞萬家炊玉粒
將軍千騎秣胡城
書生補闕無長策
文德先修後詩兵

李執義賢輔將歸觀求詩為慶壽之資書以贈之

罔極鴻恩等昊天
唯將壽酒報椿年
花山耆老今餘幾
稻府兒郎尚侍邊
膝下烏情應未洽
夢中臚唱定相連
自傷每灑蒿莪淚
祇爲他人賦壽筵

送副提學鄭雲卿歸觀

雙鷄朋酒漢之潭遊子名高斗以南重入玉堂新寵
渥少登臺殿舊官衙門間望重歸雖急廊廟憂深久
不堪嘆息此行人所羨無端哀淚濕衣襟

順安館黃應教以詩見投求和因次其韻

二首

珍重佳音報五更好詩來慰故人情他鄉得友辭何
遽暮景添年意自驚扇枕黃香歡有母看雲杜用恨
無兄關西兩載巡宣客夢裡分明入鳳城
雪圍風打鎖寒更鄉夢難禁許國情列郡嘗災問亦
苦隔年華髮見應驚歡心晚托爲朋友密意偏和似
弟兄醉裡高談今古事恰如同飲漢陽城

附原韻

去夜獨坐無眠寫情成數句今朝上
馬連成一詩呈于案下實素下和

寒燈悄已對深更旅館無眠見客情十載各賓文
字誤半生形役髮毛驚承綸西路悲霜雪守歲豈
堂憶弟兄蘇酒椒盤應不分新春來日入荒城

秋日熙川道中

秋風吹袂日西傾落木無邊客意驚赤葉滿山霜後
色鳴泉聒耳靜中聲長藤亂石踰南嶺小逕荒林入
古城倚劔崆嶸愁更遠河關安得永休兵

無題

意氣同吾吾可求不須膠漆也綢繆聞君說向金剛

日是我來遊鴨水秋明月片雲吟好句長松獨鶴對
清愁孤峰已起長沙夢難向孤峰老一邱

有蒲浦泛舟循江西下

處身常笑智愚間覆水重爾任險艱遇患難時思進
步得便處敢求安秋撥遙塞月方晦松長故山雲
獨閒多日自賦生白髮逢人休問鏡中顏

無題二首

先輩金蘭世共知吹蔥騎竹兩家兒各將姓名題金
榜共把精忠立玉墀早向北門雄鎖鑰更分西闈撫
瘡痍羨君報主身方健卧病江頭涕更垂

塞雲西望嗟余伯更奈今朝送子行幕下固應嚴禮
數樽前莫惜話交情懸知賓主魚川泳一震威聲虜
膽驚報了君恩方入塞策勲麟閣共垂名

以上西伯時作

春意

十里遊絲暖氣氤渚蒲堤柳綠初勻鳧雛傍母眠沙
岸燕于含泥掠水濱北里山妻叔野巖南隣溪女採
江蘋馬嘶花落思何盡背立春風愁遠人

夏雨

梅雨蕭蕭陰石暘雲師風伯是誰殃方塘水溢前溪
漲小洞雲興北岳蔽田畝已聞漂麥去園蔬今見溷

泥揚菌生釜底蛙生竈抱膝三遷夜未央

秋興

商聲昨夜薄林叢萬象含秋錦繡紅蒼海月明橫塞
鴈曉窓簾捲渡溪風江湖水落魚梁淺畎畝人稀禾
圃豐自賀聖恩偏爾重屢頒蠲詔勿傷農

牧丹

占得君名擅世間誰傳仙種植茲欄初因露濕暈生
臉每被風欺色減丹宴罷梨園妃子笑月明長信鏡
奩寒欲知此物殊凡類須就明朝雨後看

夏雲

聞道神龍老不勤年來方蟄卧江濱蒲天帶雨空垂
象百里徒雷只有聞海底陽伏思止渴齊庭庭巫欲
將焚從龍他日乘嘘氣便注商霖庇八垠

函谷關

曾聞蜀道惟天險百里山河一樣班富國疆兵心未
已開門迤敵計何難興棹等憑思防盜教律坑儒備
禁奸六國媵媼趨帝關一朝珠玉走函關

次韻成判書應

製洪伯慶馭

御乘赤馬

百二

秀骨蘭筋世絕倫紫雲霞彩動彌新八頭駿馬誰前
列萬匹龍媒在後塵此日遇知金闕下他時食首大

宛春王孫鵠立扶義取應是丹青貴戚臣
矯口王孫美絕倫進來龍馬氣猶新蹄間三丈常懸
王鬣下長風不動塵瑞榴舊聞呈洛水赤文今見報
王春朝扶日馭香烟散萬世羲和又此臣

登漢江樓晚望

獨立江汀眺望餘晚楓衰柳夕陽遮烟生遠浦舟初
泊鴈過長空字半斜千里鄉音知斷絕十年書劔老
塵沙感時汨口雙垂淚只為孤鏡髮髮華

良才途中

野樹風來萬籟吟拂雲靡草遶山陰冥鴻肩雨落寒
渚倦鳥將雛歸故林昏鎖郵亭行斷絕眼穿鄉國淚
浸淫那堪萬斛千般恨都在甯中一寸心

宿菁好驛

木落山空歲暮天往來消息問何緣風生空館蒲黃
葉日暮孤村生白烟鷄斂寒棲人閉戶露泫秋樹月
窺棧明朝跋馬登前道回望長安北斗邊

過新禮院

客行新禮晚息亡南北逶迤路自東山挿雲天天腹
近水連滄海海門通登臨落日懸明鏡徙倚枯松倒
白虹爲愛峽中藏此景移時疑立受西風

題崔訓導林亭

匹馬單童倚暮天
浩歌彈劍樂悠然
沙邊錦石醒時
好墻下金花醉後
鮮長嘯聲中搖宇
宙題詩筆下動
山川他時此路重
回馬應指仙橋舊
日仙

宿白栢村舍

涼生空館畫屏圍
四壁蕭然燭影微
歸夢未盡冬夜
永青春重謝壯心
違悠々伏枕思親
淚耿々寒衾憶
身悲半夜情懷誰
得識皇天后土也
應知

曉發

長夜漫々不辭驂
故鄉遙指斗星南
遠村曙色和殘

月遊子征衫濕翠嵐
道境安排誰肯笑
錦囊收拾不
云貪傍人若問余
心樂須道年來病
不堪

發京

南出都門送鴈群
尺書聊自寄慇懃
情深憶弟觀貞
人志功思親望白
雲身遠故鄉天共
遠地分南北路
從分思歸獨立愁
無語落葉空山日
又曛

渡漢江

長嘯乾坤趁暮烟
蘆花飛雪川漁翁
把釣閒眠
岸水鳥無心懶避
船南北往來炬驛
吏江山點檢渾
詩篇百年得々成
何事不似空門學
坐禪

題桃花洞先醉亭二首

萬柳亭中午影濃
濯纓橋下蕩塵容
啼殘夜月唯鶻
響踏破庭苔只鶴蹤
不寐卧聽清澗水
孤吟坐對碧山峰
此間事已皆殊異
一夢何曾寫景鍾
小亭如畫水雲成
中有幽人卧曲肱
風影靜涵雙鳧
碧襟襟慮受一池清
居民但覺峰巒秀
過客有知洞壑平
洗盡心肝同嘯傲
忘形義分許濂盟

中夜獨坐

讀書絳帳老書生
短檠頻添倚六經
露濕草根虫不穩
猫行橐底鼠還驚
十年世事悲雙鬢
一寸心灰坐

四更愁極欲爲中夜舞
強聲傾聽曉鷄聲

南軒對月

宿雨初收夜色明
長風將月上前峰
散從澗井分留影
巧入軒窗直照容
顧兔戀寒丹桂老
姮娥回舞玉樓重
可憐今夜人間勝
琥珀樽前竹葉濃

初晴

風伯驅雲曉透寒
雨聲初斷畫簷端
江雲不散衣猶濕
庭樹垂陰葉未乾
階上蟻封殘舊堦
宅邊溪水走新湍
腐儒力疾清晨起
閒望長吟興未闌

大雨

狂氛吹自楚王宮
雲氣溶溶滿太空
天地晦冥蔽日月
山川昏黑失西東
蛟龍得意千村雨
烏鵲驚飛萬竅風
疑是滄川驅虎豹
鐵戈銀箭亂成叢

用山谷韻

藥餌無徵病裏頭
芳時幾負八仙觴
茶甌帶火生輕浪
羅扇將秋引細風
老子吟詩聲落口
兒童書字鴈行心
才名自古難為用
人世羊知九曲腸

和杜子美賦琴臺寄智甫

飄飄才思氣凌雲
入道當時善屬文
滌器自知司馬子
當壚應是草文君
宮中既獻長門賦
膝下猶懸犢

鼻裙南北別來音
信斷秋風遙待鴈來群

酷熱

舞雩何處御風升
萬國炎心氣鬱蒸
旱魃已成霖雨渴
清風無力火雲凝
既怕卧牀窺螿蝈
更愁眠榻聆青蠅
肯添記籍黃金榜
擊出銀臺玉井冰

樹鷄柵

長夏江村事已閒
呼兒樹柵近庭前
一聲曉破秦關鑰
五德名標杜子篇
爲善舊知虞帝舜
舞宵那有晉陶賢
老夫不是無心者
坐待清音夜似年

江村偶題

八方無事底時雍
休道甘泉照夕烽
半景孤村人事火
謝塵深巷馬蹄慵
陰濃野樹鳴蟬合
風定茅簷宿鳥逢
倚杖閒吟梁甫罷
自將身世擬元龍

螢火

新涼輕透井銀床
腐草神光內是藏
隋苑秋深穿禁席
匡窓燈盡照書囊
宵行莫自愁晴露
曉去焉能近太陽
唯有闔娥思不寐
謾將羅扇撲流光

詠蟬

空館無人白日靜
超然脫殼上清陰
度塵不污迤風翼
蠅臭那侵吸露心
數聲夢裡聞羌笛
孤韻醒來奏

帝琴囑汝不須輕去
就蛛絲螳瓜亂相侵

獨坐

空館涼生流火星
秋容淡似欲生明
園林露濕蟬聲斷
山谷風來木葉鳴
世事暗隨雙鬢改
衰年只欲九丹成
可憐巖嶺登仙子
肯許丹山九色翎

詠蓮

夜雨新添一畝塘
芙蓉占得意偏長
仙歸洛浦塵生襪
妃出溫湯水蒲粧
魚跳細浪搖清影
風過幽軒送遠香
風月江村無箇事
碧簫相勸酒盈缸

到寺錄呈諸友

終日尋真不遇真五溪流水自通津今歲路非前歲
路入山人間出山人金堂竹掩曾棲鳳鶴洞雲深定
避秦欲酬一盃何處所石門斜日重逡巡

宿琴堂錄示諸友

半生纔得一宵閒天地窮荒不破壑洞壑鬱盤苔徑
滑殿堂幽樞石門關佛日庵臨青鶴洞香爐峰對白
雲山長嘯一聲入獨立碧蘿中斷不容攀

用崔孤雲寄顥源上人韻錄呈諸友

眼君空老白雲端料得當時事至難陳迹問僧幽興
動高篇在手寤情闌晴霞紅葉饒新逕墨石重齋殺

驚湍間說往來青鶴洞人蹤馬跡詎能安

聞同行諸伴尋佛日庵有懷

二首

清修苦節出凡塵萬壑千巖自在身青鶴固為塵外
物孤雲本是世間人雙峰封蠹天香遠一洞中藏蕙
草春我欲他年凌絕頂不知筋力定誰因

仙境探來隔兩塵一盃靈玉驗輕身題詩高喚雲間
侶散髮相看物外人佛日普光臨大界海天佳氣釀
澗春蒼崖萬丈誰嗔柏白日飛昇走有因

聞怨

此亦傷時有感而作

陽臺雨散夢初闌况奈西窓月欲殘悵望叫雲憐獨

鶴愁看舞鏡對孤鸞人間夫婦嫌來晚天上神仙此
會難爲報牽牛訴閨闈靈槎何日過前難

夜行

路曉川明扣角聲騎牛童子橋邊過時聞宿鳥漏孤
音細看晨星添數箇去住寧辭阮道窮生涯獨守夷
薇餓獮更月出照余心仰視青天如許大

次瀨院樓題韻

萬事悲歡獨倚樓滔滔江水故東流地能博厚難容
迹天本高明未舉頭靖節不來三逕蕪令威已去幾
人留瀨山壯士長歌裡千里歸雲去路悠

秣馬龍仁縣前川有懷

先師尼父欲無言行到吾廬亦閉門夢蝶每從眠處
戲心旋還向靜時翻林間一鳥孤飛影波上雙鳧並
帶痕空谷白駒如見繫袖中半部曾論存

登墨峴

歲暮歸來行路難前圍疊嶂後重巒摧車地有萬盤
險種豆田無十畝寬片心輕雲低遠岫盈心幽澗瀉
哀湍東西役口浮萍客未得暮年一日閒

高山寺晚眺

十年燈下苦蟠泥恥向仙橋見柱題多事白雲迷遠

近無情無暉自高低長江風定帆初落小嶺日沉鴉
欲棲望盡家山河處是綠池荷蒲故園西

宿金京驛

旅館淒涼對夕扉啼禽猶道不如歸客中齊瑟休誇
巧身上狐裘盡反衣爾後人情當面笑從前世事轉
頭非江湖亦自多機括庶見翁鳩得款飛

馬上口吟

約束當年事已違欲彈流水久人知棄繯關外嫌還
日題柱橋邊恥去時幽洞落花飄馬首傍溪新草染
人衣此行贏得窮詩功摸寫山川恠不遲

槐山次壁上韻

日暮青烟繞郡亭牛羊強半下西城釣詩草色軒
入悅性山光面日生雲白幾穿仁傑眼樓明長寫仲
宣情湖西落魄不才子誤被傍人暗記名

經青川故址有感

一郡廢興何足歎帝王宮殿亦苔斑今日澗東無洛
邑當時渭北有成關秋黃春綠眼前草暮晴朝開身
後山萬古成麟只如此莫嗟吾道屬多艱

重逾墨峴復用前韻

愁來得險遇重難始覺前峰接後壑方寸少安從面

金先生集卷之三十一
綴四支多瘦任衣寬山腰亂點雲歸洞脚底哀鳴路
隔湍聞道龍門八九級池魚不變敢求安

過多情院

旅中無處破愁城况到多情樓外行牙上啼禽三四
語原頭牧笛短長聲經年客子鞭駒去五畝田夫叱
犢耕何日北堂供笑語棣棠花下眠雙青

仁粹大王大妃殿春帖字

天道無私轉一元金闕懿範母儀尊日添數線春初
動位享三朝福益敦獻頌詞臣朝拜闕迎祥侍女曉
開軒千秋更上無窮美正殿垂衣是 聖孫

仁惠大王大妃挽章

舊時冠劔奠喬山湘竹年口血點斑長樂夢深遊月
殿玉欄花折謝人寰奄從 先后神無憾遽促避齡
痛莫攀北極 聖孫誠孝裡寢園無主晝常關

俗離山示崇上人

袞口紅塵客路忙為探佳景到山堂懸崖巨石危將
墜絕頂孤松老不僵入塵對禪聞法住出門矯首望
文藏山僧說盡山中好灼口奇傳信可詳

謝崇上人惠墨

山門風味卧歪休豈為塵容穩舉頭千里憶君常入

夢片雲遮我不同遊已慙白眼多譏笑何計柴門一
品求墨客盟深傾蓋友他年京洛也相隨

俗離山

壘石天成聳赤霄山中早晚謝塵囂文藏臺上三派
水法住門前八雲橋巖老苔封千古碧洞深雲鎖九
重遙他年再訪疑迷路把筆題詩記後邀

次韻題淡月上人詩軸

青蓮寺裡始相知白壁投君慎莫疑海鳥有機飛不
下雲山無主送將歸三生熟路猿猴引一榻有經弟
子持看取舊巢明月下碧蘿深處饒新詩

次韻直卿過坡州

時方被瘴

逐瘴詩成效未收續來滿眼似雲浮昏花翳已生銀
海寒粟稜已起玉樓身似高僧同鶴老心如流水厭
人稠如何未脫塵間念更把呻吟踏九州

青郊道中望聖居諸山

莫嗟奔走滯塵寰自是心閒身亦閒石澗幾時流穢
德山靈萬古住蒼顏雲間松檜龍髯起天外峰巒劍
戟寒他日歸來好風雪與君携酒一躋攀

道中次韻直卿

故園去我一千里魂夢不勞闕塞長堦下棣棠相映

發園中松菊半成荒
晴天望遠雲容變
落日行看樹影
朽堪笑吾生常役
口忍將萊服犯秋霜

泛舟大同江用天使祁順韻

舉目悲懷箕子城
都門東出大江橫
山川蒲眼空留迹
豪傑如雲不記名
錦纜牽風浮碧去
龍舟移棹載花行
蓬瀛亦在人間世
病骨凌虛一鳥輕

遊東門亭

晚笛清江映小樓
舞衣歌扇共夷猶
百年山水真成癖
萬里行裝浪作遊
美景良辰閒日月
佳賓賢主儘風流
明朝始向陽關路
回首箕城憶酒籌

登百祥樓

首二

天地多情設此樓
江山許我宿雲收
愁中物色難成句
客裡風霜易上頭
烏帶斜陽投極浦
人牽秋興掉孤舟
停盃更酌無窮意
占得歸來雪鬪洲
客裡登樓落日曛
密城西望大江分
乾坤萬里開雙眼
山水千重共一雲
聖世幸同天下軌
羣人爭播海東文
風流不獨三盃酒
芳草洲邊必共君

嘉山次直卿韻

驟雨纔空晚未晴
三更雲盡物華輕
海東隨處堪消恨
蘄北無人可說情
忠孝同門難並立
君親屬夢轉

分明燕山此去君須記世事如今各飽更

定州留一日

星斗欄干醉眼空家山迢遞白雲中蒼茫秋色來寒
鴈飄泊行裝去斷蓬已為 聖明朝北極不須惆悵
怨西風他時萃表柱頭見回首三韓在日東

留別成季文

甲寅登科燕
山時被禍

真零客裡晚相知正是千山葉落時詩律舊聞窮處
巧焦桐今見爨餘竒身經痛疾思何益杯到傳心醉
不辭待得歸來天政雪擁爐閒閱錦囊詩

越江宿世子披吾達

三日黑風吹海立連朝白雨映山飛天心豈盡無分
別入事相妨有是非細密如針穿草屋罪微似蠅漏
簑衣三更雲捲衆星出忠義情深鬼不違

宿湯站曉起雲霧蔽野一望無際如洪水沉溢

口吟一律

天公號令真不廉一夜漂沉大地黔城沒只餘三板
在山懷疑惟見數峰尖金烏忽破千層浪玉宇都無
一寸藜愧我凡庸難語變乾坤元是管中覘

過開州故城

城有金太
祖起兵處

天公用意真難詰掣石成齧百丈危鐵岸似門便出

入霜峰如戟巧排推山河表裡歸新主城郭荒涼有
故基設險反資射虎窟不如鎚碎莫平夷

通遠浦次直卿渡江韻

愁城無處豎旗降更值群山夾大江水界封疆分地
脉秋行時令共夷邦胡笳入谷驚山鬼鐵馬翻蹄響
石隴欲寄家書意萬疊遼陽城下鯉無雙

宿高嶺

月白山空卧不眠無窮歸思滿東川千秋雲物長歌
裡五夜風霜斷岸邊遊子思親今兩月故鄉離夢似
三年凌晨畫角催行色峽裡長天一管穿

越青石嶺

盤山百丈截長途鐵壁撐天裂地樞老石當空懸馬
首枯枝攬眼拂人鬚三千里外看奇絕十二州中定
有無尤載塵機今洗盡此間詩格更清癯

謁關王廟

曾於青史識將軍每說關張屬耳聞千里他鄉今作
客一間荒屋始逢君祠堂寂寞埋秋草金甲淒涼鎖
暮雲躍馬刺良終不見蜀山何處奠忠墳

次崔公瑞世珍韻

夜尋黃鶴卧雲皋十里鳴泉枕上歸風露衣沾仙夢

覺山河影倒月輪高愁來白髮添新箇何處青帘典
獎袍惆悵別時今記憶甯中畱恨亂如毛

遼城櫟古

遼陽城下值秋風壯士悲歌倚斷虹戰伐如蜂天地
老英雄似鳥語音空雲烟歲暮傷行客駐蹕山靈識
太宗萃表柱頭千載鶴人來人去幾人逢

次直卿韻記道中所見

故園松菊兩闕心馬上思歸奏越音白酒困人迷眼
界黑雲含雨過山陰翻身轉覺東溟遠舉日遙瞻北
極深從此西行觀天子歸來應見雪堆岑

見公瑞次直卿分水嶺之作追計前六日今飯

處余亦有七言絕句又作四韻詩一律叙懷

抱膝吟秋事事新每逢奇節倍酸辛當時分水嶺頭
見此日望鄉臺上曠袞袞長流何處到漫口大野愁
遠入他年此路成陳迹日暮悲風起晴塵

讀李仲敬箕城贈別詩追次其韻

詩思飄然映斗魁先生於此不凡才秋風颯已辭君
去雨雪霏已待我來乘興南樓情不淺顧瞻東國夢
頭回如余糲糲那堪用匠石元來棄散材

海州衛次韻文江人夏統見贈

湖山爲主月爲賓
兩子曾標少等倫
浙水驚濤猶在耳
蘓仙遺跡合書紳
孤城粉堞非吾土
五綵浮空是帝宸
檢榻蕭條雙眼碧
十年詩力費千鈞

附原韻

朝鮮諸鳳忽來賓
文采飄飄世絕倫
令望顯昂賢宰輔
威儀濟楚傑縉紳
欽承王命辭丹陛
覬天朝拜紫宸
獻納受恩歸去後
同登廊廟任衡鈞
落以嶺次韻直卿聞鞞鞑聲息

昇平弓劍久韜韞
似聽凶奴瞰北垣
歲轉亡胡知送死
天生驕子貸遊魂
將軍且聽全師計
戰士休誇出

塞勲作頌何人承
吉甫周宣本是重修文

向盤山次直卿韻

萬里他鄉消息稀
孤燈隻影兩相依
人間歲暮蘆花白
天上風高桂影霏
目送青空雲外鴈
淚添慈母手中衣
故國歸計何多日
水遠山長路轉微

途中望醫巫閭山

盤根百里接蠻荒
萬古應知穀與穡
畫地分疆逢舜禹
經秦及宋沒胡羌
山河歷代歸眞主
玉帛年亡走帝鄉
海外孤臣歌大業
千秋文物配虞唐

宿廣寧

無肴且食牽牛子有酒聊將北斗斟寸草春輝遊子
念白雲紅樹兩鄉砧虫聲易下燈前淚魂夢頻驚別
後心一片歸心憑寄鴈故園西麓碧蘿陰

朝發廣寧宿十三山

廣寧巨鎮古幽州屋宇連牆笑語稠遼陽舊風者走
馬唐虞遺俗見馴牛百年離合關天數一代安危在
廟謀往事如鴻頸浩歎英雄西去水東流

過醫巫閭山

山在廣寧西
一里用前韻

遙連鞬韞擁中州佳氣時兼殺氣稠鐵壁巖石同魯
魯秋容濯世似齊牛行人但覺看山好老將應思破

賊謀遙想古來征戰地幾多冤血滿街流

聞鞬子犯塞復用前韻

五雲西北是皇州傳報榆關胡語稠虜騎多年驅漢
馬柅林無日放周牛長纓未請終童死三表誰陳賈
傅謀回首三韓憶烽燧書生憂國淚先流

宿凌河驛次直卿韻

羲和鞭日暗還明行近皇州瑞霧橫幾點雲山藏遠
道一年秋月夢孤城不辭望眼三千里却被歸魂四
五驚半壁青燈看更苦光搖銀海眩潮生

宿杏山

長夜漫七披草多少年應是夢經過青山恰似曾相
識白髮知無可奈何萬古乾坤怕覆載幾多豪傑歎
消磨遙憐別後琴書散舍北雲深老碧蘿

宿沙河

黃鷄催曉夜漫七旅舍歸心共歲闌露折霜花饒
意風敲木葉聞天寒已嫌食力緣愁減更惱詩腸得
酒寬醉裡胡塵驚倦客頻教西馬上東鞍

發沙河

憶昔斑衣戲北堂兒孫羅列儼成行分群隻影連三
月兩地孤魂逐一鄉陋質許從憂聖主弊裘那復慙

清霜停驂更望皇居近不怕緇塵染我裳

宿高嶺用杜少陵韻

日暮長亭暗塞門小城烟月接荒村兩儀闔闢誰爲
主萬象嗚啾自斂昏去馬來牛散何處東雲北樹正
銷魂明朝日出還依舊世事君今莫再論

到山海關

秦等防胡萬里城雄圖千古保無爭乾坤朝暮闕開
闔山海高澗管重輕從此民勞得休息始知嬴滅在
焚坑 聖皇若問治安策二帝三王未可更

夜過撫寧縣二更抵蘆峰口驛

風梳露洗觸寒更
疋馬驅馳六十程
小店殘燈人語軟
淡烟斜月客魂驚
投書寄鴈應非實
酌酒寬心亦不情
每憶故園風雪夜
擁爐閒坐說平生

曉發灤河驛
天氣甚嚴
日色甚薄
園林盡赤如血
痕樹間稍
有風

昨夜軍聲動漢關
蒲園霜葉血痕殷
乾坤慘愴朝無色
城郭淒涼士破顏
劔氣高衝千丈日
兵威散在八公山
臂中萬甲夫誰敵
獨向皇州筆陣閒

遇孤竹君古城

數尺殘碑刻畫新
商家知有不欺臣
廟遺孤竹當時

像我亦箕都百世人
萬古風聲歸二子
舊朝文物屬三仁
朝鮮此去三千里
兩地忠魂倘有隣

渡通州潞河登楊州船

即船

海外孤生汗漫遊
乘船擬是上揚州
千年王氣收南土
萬里牙樞送北流
常貢已輸雙鳳闕
虛舟空載一天秋
沙塢久與篙師慣
相對烟波歎三浮

入帝都寓會同館

館在王河橋西明日將朝

點詣鴻臚寺習儀五更三點入詣午門外平明
皇帝御奉天門受朝使以下於午門外登御
路介四行立五拜三叩頭禮自西掖門外
御路去御榻各二席許禮部尚書奏朝鮮國
來陪臣某等某事來云畢使以下即叩頭
皇帝勅賜酒飯又叩頭還從西掖門而出詣光

禪寺
奉天門其外有千門又其外有端門又其外有
正陽門

水蒲宮壺曉漏催五更三點入蓬萊九重天氣悠然
散萬里光明自此開扇影晚從金闕下瓊聲遙向玉
墀來侍臣朝罷歸東省日暮應焚諫草回

崔公瑞月下設酌以詩見招就飲因次其韻

月瞰窓東起問更故鄉先得此宵明悠々望遠思何
盡咄々書空計不成萬里飄零非我獨百年懷抱向
誰傾故人賴有崔公瑞菊裡開樽極野情

次直卿朝覲 奉天門韻

五夜靴聲集午門千官劔佩觸相奔紗籠暗淡搖殘
月鐘鼓悲涼逗曉雲多病小臣恭虎拜晴朝喜氣覺
秋温自公退食還成醉滿面紅潮總是恩

九月晦日

別來多病樹寒衝秋又辭歸客意重藥裹關心類點
檢狐裘出篋孰彌縫裘慵暫試萬言手談笑強為千
里容陵站倚間今幾度官情羈思一時濃

再朝 奉天門 見一二朝士或著玉帶或著金

一時名士問之
班班榮云

仙侶翱翔萃玉墀緇衣於汝最相宜彈文蒲袖皆憂

國牙芻當宵欲擊誰曉日漸高中使出天顏頗瘦外
人疑九重一念關休戚須賦鷄鳴揅直辭

次直卿韻

首二

胷海茫亡不可過人情隨處轉蹉跎風塵錯料同舟
客盃酒相酬彈劔歌松喬南頭新雪竹馬山東麓舊
烟蘿別來寂寞通消息風雨蕭亡奈爾何

天寒萬象各歸元更向誰家爲叩門多病益知生別
苦故情難與衆人論麒麟歲晚傷時泣鳥雀秋來得
食暄守分一枝無不足莫將痲疾強追鴈

天翁許試地中雷龍戰郊原晴起埃異國光陰成歲

去故園消息幾時來魂歸不覺闕山隘夢罷偏驚鼓
角哀有是 皇家有程限請君寬假莫相催

追記曹家庄道中望海之作

滄海誰知一勺多溪湖萬里送長波光搖玉壺女中
箭影落蛟人水底梭物外仙槎應不宿人間風浪奈
如何殷勤好去朝天客東望蓬萊路更賒

次崔公瑞詠猿

太監金韻二
浦所送首

踏盡千山寺亡門三年虛累主人恩不憂寒餓啼澗
夜最憶嘯吟失故雲巴峽藤蘿惟夢到洞庭烟浪幾
時吞遙知遷客瀟湘岸明月孤舟減舊聞

遠死全生入貴門，敗芋殘粟孰非恩。夢懸巴峽千條樹，群在瀟湘萬里雲。歲久忘情聊足樂，愁來得食不堪吞。憑君慎莫東韓去，恐值龍灣謫客聞。

龍灣即義州

希長參判曹偉同謫于此博土成仲掩示謫麟山去義州二十里時來往

蕭給事中顯失鶴

家在山海關以善書聞賀正官洪彥忠宦贈八訪待遇甚

禮并付失鶴二首

莫招雙鶴五雲東，野逸仙姿兩意同。已脫簪纓從眼白，肯隨塵網側頭紅。月明人靜歸華表，海濶風恬理釣筒。金鼎丹成緣再合，巖山頂上有前蹤。

龍自義海故及之

鏡寂寞秋園，廢飲池得喪悲歡驚。易老并沉聚散豈無時，君身自是人中蠅。何用區區歎別離。

十月晦日發北京宿通州

仗節西行趁火流，東歸永合潞河頭。三冬懸榻妨文吏，萬里登樓長客愁。負米愧無由也，勇事親那免疾之憂。遙知兄弟今相待，臘月高堂好獻酬。

暫憩蘆峰口驛

瘦馬朝馳七十程，晚看寒日霧中生。群峰削鐵詩肩聳，小館函風酒面清。玉絮登樓鄉國杳，張騫奉使海槎輕。三千路隔無多遠，水白山遙入眼明。

宿盤山

蘄北風高斷塞鳩湖山暮靄眼矇眊晏黍零落千重
結姜被淒涼一半空窗外月明何處笛庭前霜白五
更鍾鳥飛兔走暗還曉馬首路長入不窮

夏雨

鶴鶴聲中壤垤忙落梅飄盡雨沾黃紅塵十里消昏
氣碧樹千章帶曉光潤物須要三日足產蛙何用一
旬長空齋不語衣冠坐對蠹爐烟細吐香

秋興

小閣秋涼酒面紅東籬採菊劈香叢村南村北鱸蕩

美田婦田夫笑語豐聖德與民如曝日臣心於樹比
丹楓自嗟來王多才者作賦空悲落木風

送秋

秋風夜撼西窓竹起坐蕭然抱幽獨別意空餘井上
桐遺香未盡籬邊菊一元隨處有盈虛二氣何年無
剝復等了甯中萬事空逍遙物外更何卜

雪松

物外龍鍾白髮翁人間知有不平攻秦封受後頭應
老漢穀辭來友欲從鶴舞風輕飛玉屑山寒月白照
永容何方分得刀圭七天下蒼生盡赤松

夏雲

虎豹開巖扣不聞龍眠九澤有閒雲
翳天謾作遮天計
憫雨還垂帶雨文
千里風蒸空疊葉
萬方鋤罷惜妨耘
平生每恨陶弘景
叔入丹青獻聖君

詠荷贈德山楊太守

暮天風氣自淒涼
敗葉猶爲帶日光
多病馬卿能作賦
窮途阮籍豈真狂
六年遺愛前身武
千載羞金是姓楊
清水碧荷纓可濯
臨池一笑付滄浪

次韻

望盡雲山醉眼窮
睂矐老翠遠如濃
愁看暮雨連朝雨
靜愛深紅間淺紅
二十男兒年尚少
風流才子氣凌空
世間景物元無主
付與詩人一笑中

次白樂天韻題李馬二妓贈可柔

茂陵多病琴臺破
更有何人續斷絃
聲歸蟋蟀梧桐雨
舞屬嬰兒楊柳烟
秀才筆下詩詩王
仙子波頭步步蓮
蒲天明月吹簫急
簫史臺前作鳳仙

詠史贈可柔

八十漁翁百不憂
幾年巖畔著羊裘
一來便作蒼生計
五就誰知半夜愁
生足單瓢甘陋巷
死遺清白敵封侯
請纓未必非長策
操瑟齊門也合羞

醉吟

李白謫仙詩最好陶潛對菊酒何遲家存四壁猶餘
酒病過三年不廢詩燕子高秋歸亦得花枝照眼醉
無辭英雄不與山長在萬古風烟獨在茲

醉後走筆呈濬叔

一樽相對足歡娛美景良辰不可孤遠客有情寬酒
量醉腰無力倩人扶舊乘驄馬同登府今帶銅章獨
剖符多少漢南芳草恨逢君誤道作詩癯

蠹石樓

首二

麗際東南天作區架空縹緲雲爲樓坡陀山結龍頭

峻繚繞江分燕尾流啼鳥一簾紅雨散長江喬木綵
烟浮此身曾到蓬萊頂笙鶴寥々過海州

男兒意氣溢寰區翠壁白沙紅晚樓萬點雲山皆北
拱一方星月盡東流芳時易過青梅結勝事重期赤
葉浮我倦欲畱夜不厭使君聲價善爲州

南海客軒

百年治化洽南洋風教從知入露梁身卧瘴雲更漏
永夢隨仙仗珮聲長孤村錦繡花連屋四壁笙簫竹
遶床曾是祖先留犢處爲傳旋斲不知忙

平山浦次晉川君韻

衆山南斷更無南天水相高鳥嶼涵春事欲闌花在
地鄉闕何許路長驂百年得喪身如寄一枕榮枯夢
亦酣白首連牙安用假青蘿居士是真卿

齊浦朝宗閣次韻

君王綬遠正如天禍患從知不在邊戊卒散為緣畝
卒戰船閒作釣魚船詩翁自古輕新貴醉客于茲傲
瘴烟風雨一尊何處留寸心非石不能堅

菁川泛舟

樓下洪波百丈清鷓鴣崖轉覺舟行人間欄檻壓天
上水底魚龍聞笛聲故國幾時修廢經百年隨分卧

邊城無端忽憶桐江顛一竹當時九鼎輕

老木寒潭肺腑清杖藜隨意傍沙行江山自少塵中
氣鷓鴣偏多物外聲不見姮娥來伴月貪看列宿下

臨城合歡更覺滄洲趣始信高人去住輕

距城頭繁若列星
故第三縣及之

百年高會值秋清繫纜汀洲信意行鷓鴣鳥真成塵外
格江流不作舊時聲荒村依岸皆仙窟列炬燃空是
赤城更起酌君口莫厭人間此會未爲輕

嶺南樓

日南風淨掃蕪天環水圍山聚眼前憂樂每憑詩酒

詞閒忙共坐斗牛邊長林積翠浮寒浪細路分青帶
晚烟宿醉未醒餘興在更在何處設芳筵
鞍馬侵尋傍海天百年心事在尊前山圍遠樹微茫
外人倚朱欄縹緲邊魚躍鳥啼朝復暮灘寒木古月
和烟臨江獨酌無多興鬢乞紅裙樂四筵

密陽次黃比安韻

樓上一尊雙眼碧樓頭千點落花忙將軍禮數客疎
慢太守風流怒醉狂樂事有時供笑口瘴雲如火迫
中腸驚人白璧投何處細雨湖邊作晚涼

附原韻

高牙大纛將軍壯烏帽青衫太守忙細雨輕塵濃
欲浥落花飛絮舞如狂樽前有客雖開口樓上無
人解斷腸槌碎嶺南平作地女牆殘照送淒涼

海雲臺

東萊二首

依稀山盡抹青烟馬促高吟更豎鞭低礙帽簷花木
合平臨蓬島海雲連虬髯點雪三軍帥玉麈驚筵百
里賢誰叫帝閣開瘴霧為謳商曲鼓商絃
重遊擬趁清和節寒露零時穀雨前紅雪曉晴花靚
地白雲東盡海吞天良時樂事元難選恠雨昏風晚
更顛踣死乘桴非我事管絃聲裡送流年

梁山雙碧樓

樓前梨
花開

此君不著澗溪邊
識得襟期有幾賢
愧我素非林下
相知渠宿契
酒中仙
三吳葦葉無歸棹
七月梨花問
老天
紅蓼白鷗雙
釣艇種瓜何地不宜田

讀史至昭君傳有感

漢宮如海托菲躬
天地何曾惡不容
薄命豈期終事
羯
遭時應許自當熊
羞將玉貌媒君寵
肯把黃金賂
畫工一死固知身不辱
官家元是要和我

臺叢贈李子賀

高才索莫卧江樓
下浮沉雙釣舟
良玉固非三刑

獻死駒誰復百金求
半蒿新水埋沙觜
數朶幽花掛
石頭薄暮息
歸騎散一宵
風月共眠鴟

秋雨不絕

首二

新黍初圓稻未黃
蝸登几案菌生樑
天為民父寧無
意國有商霖枉有傷
萬壑波濤連畝澮
千村墻屋接
帆樯孤臣霜髮三千丈
不覩秋陽一月強
溪雲高起浩縱橫
山失崢嶸月失明
初謂千疇承潤
澤漸看平地作滄瀛
羲和定歲疑差閏
虞帝占星恐
錯衡點二太空誰料得
撥開新釀待天晴

荅叔貢孝仲以詩見招昌原宣化樓叙別

天上鸞書下降時兩般襟抱有誰知離情水湧非由
外喜色春浮豈爲私愧我籌邊無寸策嘉君補袞有
長絳明朝就聽峩洋曲楮子盤松結後期

宣化樓送叔貢以弘文修撰赴

召首二

清朝束帶赴佳期厰馬乘轎覺我衰宣化樓中入倚
檻鎮東門外日纓旗却因歸興傷前事會有嘉言决
衆疑想得玉堂論奏罷百花撓亂萬年枝

天涯歸計較君遲歸後相從定有期白首逢春新托
契長眉見月幾懷思乾坤納口應無朕梅柳欣亡自
識時政是 聖朝更化日蹇坡草 教待君揮

附和章二首

人間會合不多時促膝情懷兩自知坐屈高軒狂
且猥走間行旆喜偏私庭梅經雨將舒萼溪柳迤
風欲放絲宣化樓中來日會天涯那肯負佳期
獨恨從前納見遲兩忘年位契心期枉臨榮戟蒙
榮餞追贖行裝謝厚思輸寫襟懷消日夕温凉風
景值天時除非宣化樓中事戀土傷離共可揮

金藏臺

州

十里鳴灘碧玉流晴沙錦石護汀洲春歸老柳黃浮
眼病入新年白蒲頭雲外峰巒今郡邑烟中樓閣古

王州臨風一笛高臺迥枯竹那能解我愁

福泉寺

山中勝迹已難尋石頭溪澗落葉深此會將來僧有
證空叢千古月如今塵緣未斷行逢雨宿業猶存不
廢吟聚散十年知不繼請君須上最高岑

比安雙明樓

浮世功名老不期如何頻作夢歸詩百年簪笏榮無
補一壑風流晚亦多天上赤雲當檻日樓中白汗透
衣時憑誰說與吾懷抱簿領叢邊髮已知

龍宮東軒

抱甕區區笑漢陰特書霖雨慶當今連霽爽氣鳴高
竹清曉晴光動遠林四野歌謳千頃綠孤臣魂夢五
雲深身叨嶺外咨詢責那有懽襟罄短吟

安東觀風樓次徐達城居正韻

開簾如對屋前山坐我青蘿水石間遠別屢驚雙鬢
改舊遊知復幾時攀塵中斃鬢人誰恕物外清狂老
未剛珍重煩公來伴顧學他年少暫偷閒

安東映湖樓次韻

湖山默口閱人多此老清狂定有加吟就詩如得
友行逢佳境當還家樓扇共賞銀鉤畫漁唱誰憐玉

金先生集卷之三 四一八
樹花極目太平禾黍地猶餘殘壘與枯槎

大邱琴鶴樓次韻

鶴去琴亡人亦逝何人愛鶴復携琴可阜民財五絃
曲能縻爾爵九皋音以形觀物非知妙下指求聲豈
識心長嘯八窓憑宇宙千年閱道與同臨

重九登移來山同公輔作

二首

移來山上客登高下有滄溟不盡濤萬里看楓身老
大三盃泛菊氣麤豪虞人獻技燔雙鹿歌妓翻詩付
主槽醉裡簪花聊爾耳風流已屬少年曹
九九三三每遠遊傷春綫了又悲秋江山縱美因人

勝勸物難酬與酒謀萬壑聲酣風落木一天涼重客
思裘羈櫟杏入歸雲裡西海吾曾辦一邱

開雲浦次公輔韻

將軍曉出馬鳴阿前乘琴歌後乘花白首屢違天北
極青山盡歷海西坡自憐多病如工部誰許高懷似
孟嘉落日漸低人言散回頭鴟鷺管烟波

聞新鴈有感

二千里外逢新鴈南去何時過故園散影忽迷青草
岸驚魂遠落白雲村霜毛堪作承筐贄雪趾尙留繫
帛痕雙親若問余安否好渡龍灣穩笑言

金先生憂亭集卷之三 四十九

次可柔蛇山觀望四韻田文

東望雲邊西落日鴨頭波起碧潏
鴻歸絕塞秋傳信燕伴孤窓曉夢入紅面
白花嬌復醉老愁幽景晚題新虹銷雨後
山雲斷故舊逢來話苦辛

金先生憂亭集卷之三

金先生憂亭集卷之四

聯句

石川聯句

良宵不可負成勝地詎能孤洪大醉蹲昌舞昌高歌
浩順百口愉順百尋真叢下飲洪拍手竹間呼成不怕三春
冷聖彥憑歡四美俱孚仲清流漱石齒順百佳話轉團蒲昌
山影浸清瀨孚仲月輪張半弧成奔湍喧客耳昌佳句
壓崔奴洪之崔致遠故昌云之選勝唯君我孚仲忘形到爾
吾順百颯朋巖上走時昌之坐在巖龍客水邊遊昌之
急管丹崖響孚仲欵巾玉手扶成山靈知慰客洪之
夜話

金先生憂亭集卷之四 一

可傳圖仲清露翻松鶴成高談泣山都聖頻舞知情

動仲緣詩笑日癯昌簪花吾已老仲催鼓子方謳成

秀句驚山鬼狂歌缺唾壺成相逢今夜意洪邂逅昔

年徒百更作無何飲成何嫌放意娛洪乾坤空老矣

日月正催乎仲炬火燒山石昌寒雲鎖古途仲彌明

方醉睡聖復會繼能無成

與敬仲原明戲製

黃昏一燭欺新月成紅粉三行妒晚花敬花到暮春

含晚態原魚知暖日下寒潭成潭中盤石天成座敬

洞裡青山錦作屏原屏上跳丸頭上日成飲中覓句

盡中人敬人生聚散萍無定原勝地歌呼月易低成

低唱淺斟酬好景敬短簫長笛滌新愁成愁來轟

盃應亞原詩辨多多筆不停

五言排律

勒成墓碑

浩蕩乾坤大生成地道荒郊原春律遍雨露棘心長
窈窕關雎化徽音太姒揚曾參雖廢學孟母尚遷坊
北海鵬初奮南山豹久藏但令枝葉茂奈此本根傷
憶昔趨燕闕臨岐奉別觴絕裾情更切許國聲猶攘
斃盡手中線遠遊天一方倚閭頻鬻指陟岵幾回腸

十月之交會群陰正剝陽萬齡綬順耳二豎奄嬰旨
夜夜魂相接朝朝淚兩行張槎歸已晚鼎藥覆先嘗
跼蹐依無地哀矜事異常金風吹祖席朔雪滿回韉
啞口鳥爰止翩口鳳獨翔斷蔥餘舊澤舉索鎖中堂
積善膺多福呼泉耐百殃萊衣空棄篋孟竹謾抽芳
始識三公貴難售半日光扣冰那更得盛禮可追將
上下江齏阻胼胝手足瘡恩津恩未報德院德難忘
佳麗千年邑巖巖數仞崗精誠蒙土石劉跡倚秋霜
道士鞭聲疾將軍箭力強穿深如射虎斲細似驅羊
玉屑隨風碎銀床帶月涼叔功天與力致遠鬼輸鄉

陸轉兼雷吼舟行覺電忙螭龍雲出沒菡萏影底昂
磊落縱橫筆舂容錦繡章貞嘉欣有托孝思永無疆
庶見鳩巢集莫教牛觸僵來仍勤鼎俎樵牧戒耕桑
禮樂崩何病羹墻若有躋九泉終寂寞一氣不銷亡
稟亡冠裳動盈口笑語妨扣盃在叟在俾爾壽而康

有所思

秋盡溪山瘦愁深葑序悲未能齊得失甘與抱友離
天地分三極陰陽具兩儀生成非望報雨露不偏滋
顏面頗殊道彭殤欲問誰聰明均視聽物則足倫羸
隨分榮枯異同源左右歧世情吁可怕桑海變應知

水覆難叔手花飄不上枝山川遼鶴在身世怪蛇馳
舊室今成土新人既抱兒辭巢秋社鷲向日北園葵
蒲目經千點驚時靡子遺王孫原上草聞婦鏡中眉
每被風霜薄那將癩髓醫茂陵司馬宅金谷季倫基
埋沒繁華地悠揚忠孝詞已聞鴉飲啄後道鳥耘耔
魚躍兼天湧笱香帶雪披在人情同極於物信何欺
借問三公貴何如寸日曦光陰隨過隙風樹更狂吹
臣子同門立君親一理推睢陽雙節遠諸葛大名垂
李郭當胡滅闕張賦命危城空雀鼠陣沒但蓬茨
宇宙頻回首英雄幾處碑假年天邈々許國塚累々

孔孟窮何病夷齊死不飢知音天下獨妙曲谷間疑
絃絕久無響馬亡空有皮未逢雙伯樂安得兩鍾期
貧賤堪吾樂光榮彼一時燕臺叔駁骨周網得熊羆
漢園無雙信堯章足一夔厥初身假迥畢竟霸王資
俯仰今千載勲庸屬五噫熊魚須在擇喜懼最關思
予也非吾友參乎是我師回車勝母里罵口絕君癡
念重門間望貪從十萬辭誤爲徇國事何處覓春絲
唾指漸歸順遊方愧象尼月封埋鏡匣風展鎖靈帷
令伯曾畱表蒿蕪辭說詩功名知偶爾富貴獨何爲
列鼎爭如椹千鐘不直藜蹉跎瞻北斗流落守南箕

負米身猶健斑衣老亦多秋萱終寂寞堂鳳獨依遲
惟事空書字吞聲淚滿頰雪霜分慘裂松柏共摧萎
欲碎補天石思繅繫日絲東西妨運轉時序不推移
晝夜三千刻生涯一萬暮長年同鶴筭閱世看春姿
天道高難測人謀豈易施共尋壺裡界相對橋中碁
枚痠窺蘓井全生解葛尸聖賢俱已矣此理恐磷緇

發沙河

小驛孤村外長途困丈夫迨亡關塞阻一亡鳥鴛呼
衆水南朝海群山北走胡行人愁佩犢軍政憶鞭蒲
許國心猶壯謀身計本迂白雲凝遠望清淚落雙珠

五言古詩

除夜閱椽亭集有一燈分照兩年人之句分韻
示正卿昆季

隍廡孰偽真塞馬誰得失對碁未終局歲月如電疾
今年歲在酉明年歲在戌成功便當去萬期若畫一

其二

新歲明朝是東南喜得朋三人分鼎坐挑盡兩年燈
壯心老猶健屠蘓覺齒增君看元會篇賢達已無徵

其三

師道久不傳我今師典墳知音世無數晚歲始知君

四載永相忘百年已三分作詩吐肝腸一盃寄慙慙
其四

亭口澗壑松上有蘿與葛虛聲滿國中所服知我少
修行如熠燿耿々舍內照隱德畏人知可賀不可吊
其五

堂中酒一樽戶外屨一兩愁來抱獨眠興來成獨往
那知風雪夜對榻猶夢想優遊少一年坐待鐘鼓響
其六

老年推不去少年挽不前舉酒問青山何處理羣賢
交情無古今况同甲午年停盃雕好句不必萬人傳

其七

好改舊時器莫改舊時人蛩蛩本異類管蔡寧非親
所懷不同調白首恒如新放歌君不錄明日是王春

宿蛤田

旅館閒無人低壁空四圍筋力困鞭羸坦腹寢如尸
慈親屬我思宿夕夢見之招我致其側撫育如嬰兒
鹿馬風啼鬻忽覺換交頤起坐不成寐遠村鷄喔咿
大星雖磊落衆星亦已稀厨人共曉槍僕夫車載脂
出視天宇淨清霜蒲疎籬左手雙鐮在右手金鞭垂
驅馳不復舍朔風吹我衣朝日已成晚澱涉皆忍飢

憂虞何時畢靡心風中旗

已卯三月癸丑與申晉州之蔡昆陽仲李河東

百宋上舍之約遊方丈山朝曠聚到蟾津小酌

將舍馬登舟皆云天氣欲雨風之順逆亦未可知不若乘駟從陸之爲便就快於我書以答之老去喜探討朋來得三四船頭掛鷓夷縣裡除校吏扶携未半途豪談次茅起遇景卽高吟詩成忽蒲紙入言天欲雨方丈餘百里舍舟乘快馬日午當至止君言或有理我行無大忤山陰興已動雪月盈枯腸浦口潮正滿一棹抵奇陽蒼崖挾中江兩岸皆村莊

柴門面江開處口花竹香相將棹謳發此時高興強諸君謂我何一酌吾乃狂

得喪子書

甲庚

天地爲棺椁晝夜計年光人生寓其內有如夢一場短亦一夢短長亦一夢長蜉蝣聚還散石火空中忙我有前歲子晴記爺與孃天奪我麒麟乘雲訢玉皇皇亦不能救惻愴墜大荒去夜來入夢母抱汝在床慟哭招汝魂嗷咽聲不揚三呼驚一覺落月掛屋樑汝魄已歸泉汝魂在我傍來成幾時緣往飽螻蟻腸無我亦無汝憂樂我何當既不生空桑是以重悽創

千秋潘就賦假命愈投章情鍾在我輩眼
防
慙氣虹穿日悲心夏落霜悔余不在家親送汝死亡
幸余在萬里不見汝母傷故衣應棄側泚乳已沾裳
纓思泣成血風露更淒涼汝誠謝家寶我實有餘殃
若貽子文憾此死誠爲良賢愚了不計嗇憤情難量
父標隨日遠母哀何時忘鄉人來告返修書慰汝喪
書名不成字紙面泣數行孩提不足極此言癡且在
百年數起一寸松凌穹蒼書成寄還使面目森於墻
有死必有生往復猶康莊欲驗後來緣樹穴舊塚藏
此理未易詰仰笑天茫

宦海

渡海莫濯纓水濁無清波渡海莫濡首噴薄魚龍多
就淺石蓄足就深鯨磨牙進寸退逾尺汨沒同鼃鼃
問是顛躋者昨日遊銀河前車不知鑑正似投燈蛾
鵬賦吊長沙漁歌傷汨羅清淮仗忠信秦嶺苦憶家
漂沉誰復數四子誠坎壈大禹旣已沒櫟襄治奈何
鳳池不可思宦海不可過江東稻魚肥沂水春風和
何如伴釣翁鼓柁滄浪歌

發金郊

巳未
七月

曉登金郊道雙崖挾長途橫亘八九里澗谷互相躡

下者裂地軸高者磨天樞天地不相貸世罪安敢逋
雨澣洗山頂霹靂與之俱澗水侵山足日夜剝其膚
仰視千仞崗峽岈撐雲衢山川紆在眼我行一何迂
潛心費私禱此行神所扶溪雲自卷舒禽鳥相鳴呼
地僻事可規立馬少踟躕悠々向前去山靈知我無

宿雙嶺望月錄示直卿

青天有月後今古幾圓缺月中有姮娥定應不生滅
自從竊藥去人間消息絕將身輕寄月獨宿淚如雪
都將千古恨慘憺照離別精靈兩相合令人默悽咽
姮娥如不死此恨亦不歇今年仲秋夜天氣寒削骨

遠離膝下養奈此空山月清光入肺肝寸心如寸鐵
君豈異於我口言真更切勞君百年身掉我三寸舌
君詩我必和君盃我且啜共此萬里行辛苦不忍說
詩成勿高吟却恐蒼崖裂

殿試日在青蘿龔舍兄第一

白日照青蘿長安正西北辟門鎖金闕彤庭聚奎壁
赭袍拱北極一幅制書出爭將十年劔銚銳試今日
兄乎斂霜刃一揮斷犀革白日上扶桑意馬恣馳逐
或悲墨翟絳或灑楊朱泣或如聘長途王良執其策
龍門在何許千里而咫尺兄乎勿捷徑蕩々周道直

白日到高春鼓聲無斷續手把魯襄戈退却西飛日
織鱗與鐵拳成敗在一着兄乎上雲梯月桂方馥郁
白日下虞泉龍猪各異入妍猶照明鏡駑驥逢伯樂
一顧價三倍效颯無顏色兄乎斷豹尾姓名畱鴈塔
雲路豈不登龍頭會可得頭上日月懸屋漏鬼神質
信誓證天地天地不容嘿鄉黨會盛地北風吹散髮
盃酒對賓朋懷抱向誰說歌聲過歸雲舞影亂前席
繁華了不見兀然一身獨丹心送王京虛室寒灰積
門間朝暮依帖此幾回陟凡乎晝錦衣來報春暉德
天道有盈虧禍福相倚伏失馬不爲悲得鹿不須悅

安知前日殃不作他時福掃除門前路坐待雙蓋立
終軍棄繻後高義繼寂寞昂口一丈夫重遇仙橋迹
使我賦枯魚斂手退蠖屈寄語浮雲去莫教此言食
濡毫寫心詞漏萬縷掛一

廣寧五里有沙水甚清

七日困長途溝瀆渾如泥三日不洗面四日不解眉
廣寧五里餘沙水清且甜下馬自絕掬不啻甘露霑
豈知塵土中有泉如此廉出自醫巫間巫閭界夷夏
裂爲十二州先被東漸化自從沒胡羌玄化無所著
山靈煩護守溥作一溪碧不改太古聲乃與凡水隔

光搖玉女窻影落銀河窟遂使傍泉人千載沐其澤
此言惟我知得之於造物

十三日大雨恐違中秋翫月之約日晚稍霽喜
而有作

人生一世間冬嚴夏煩暘春情易蕩人不如秋爽骨
我家塵土中四時長汨沒鬱々寧久滯壯氣倏超越
月色秋更好烏棲遍天闕期吾意中人共探造化窟
山高月益近冥搜盡毫髮親朋替我行僮僕洽我禱
將謀一斗酒以待三五發奈彼造物妒雨勢倒溟渤
崗齋空在眼雲端失林樾如昏廢舊視如步得新削

頽然輟行具僧窻久咄々天以月爲眼掩明天不罰
作雨天所命雨師豈天悖炎蒸眼久眯應此洗塵孽
天益爲寥廓山益爲突兀長空爭如掃狀後懸明月
列宿讓光彩萬象呈恍惚比如文明世冠帶及胡羯
我馬雖玄黃敢辭泥滑々天心豈無爲逆探非近訐
陰氣雖沈埋浩氣終不歇薄晚風西來屋角鳴勃窣
林齋忽清透果中吾所曰陰晴輒喜楹聞道愧儻忽
寄語同行人躋攀趁明暉

夜行向沙嶺途中觀星

有天斯有人有人斯有王天人本相干我心更蒼茫

仰視天宇高列宿各主張北斗任喉舌紫微提紀綱
織女司雲錦牽牛服車箱三台五星迭經緯二十八
宿昭文章縱橫錯落不記名矚珠絕壁儼成行法度
森嚴未易犯喘口塵世如風揚屈指人間幾帝王北
辰萬古天中央

七言古詩

送秋

老子野情殊未愜東籬種得數叢菊屢添樽酒和陶
詩怒號朔風吹杜屋昨夜金花開蒲枝今朝霜芷落
盈掬應知白帝駕迴七却望青山還漠漠俯瞰清流

展祖遙寒聲爲我搖江竹寄言來歲早歸來思濟田
疇有榮獨

和金上舍子質松欄吟

孔聖絕糧陳蔡間田橫逃死海島中三千門弟五百
士義氣種在蒼松風道尊有如賢聖屈道屈寧辭賢
聖窮賢聖窮來松亦窮志士不以窮易通松欄處士
松爲欄手培舊幹添新叢大者如冠小如童蒼苔老
面蘿爲椽松乎松乎處士與爾同其老於霜不萎於
春不隆請看東隣楊柳園中何樹而今終

宿柳河次直卿

宵中泰華蟠蹉兀萬里一身何處宿初更密雲天不
雨子夜星月光堪摘攬衣推枕起徘徊百步灘聲鳴
轉急造物於人何厚薄幸此開霽川萃溢秋光潏灩
照衰容秋葉蕭疎催白髮生涯暗與節序移笑我蹉
跎君齟齬吾聞仙槎坐閱三千歲世間那得壽如許

道中

張機不織天河女有口不吞遼水魚天寒遊子弊裘
薄日暮故鄉音信疎既不是恨無衣亦不是怨無書
平生但識忠孝名鶴髮雙親今倚闌園中松菊非不
好榮悴何曾掛懷抱待得主人歸未遠雪蒲北堂看

更佳秋菊枯死吁可憐

牧丹

十里東風嫁牧丹堆香疊翠繞銀盤何方種得紅塵
土夙昔傳聞白玉欄十戶經營嫌議價萬花羞避敢
同壇烟沉妃子嬌春睡露洗昭君泣虜顏裂帛未聞
那解笑含情不語爲誰歡千金買與詩人飲莫願移
栽上苑看

函谷關

函谷宣詔逐客還六王車馬走朝闕規模自是從橫
異才德終歸伯仲班胡在禁中人未識珠沉江底鬼

先訕博浪寸鐵銷金後黃石遺書烈火間兔走跡亡
遊上蔡鴻飛漠口入商顏山河百二都無補義士三
千自在閒

和胡笳十八拍

胡笳激烈方我何爲念此天道兮盛德必衰民遭戎
醜方苦流離不我後先方適丁今時身被掠方履艱
危有怨不泄方心孔悲國有民方娛殺戮民有王方
法度虧弋歸鴈兮誰與互勸胡酒方我對誰笳一拍
方腸一斷顧左右方莫我知

關山千里方迥無家背南土方面北涯北地漸近方

南漸遐腸火內煎方面撲沙前有猛虎方後毒蛇我
王半醉方務驕奢兩拍緣愁方聲更長胡人聽方亦
咨嗟

歷險艱方擅爲城忽然心動方九死一生人言殊俗
方耳聞有驚豈料今日方復傷我情黃雲晝昏方烽
燧夜明猿聲一叫方起屏營嗚呼三拍方等怨成塞
天蒲地方山岳平

日照月臨方莫非我王土天地廣大方不容妾心苦
畜犬喪家方終戀主那忍將身方事醜虜呼我關氏
方使同處耳雖聞方口不忍語引頸東望方鴈路阻

四拍成方被華楚

定遠將軍方願入玉門鍾儀達人方猶奏楚音去絕
國方夢相尋况女兒方情本悵悲歌漢曲方托胡琴
五拍淒切方秋轉深

身登隴首方眼長寒晚下穹廬方始朝餐門簾乍捲
兮風淅已晝日苦長方夜漫已坐對胡人兮出涕難
六拍哀極方不堪彈

夏葛冬裘方夜宿朝起渴飲飢食方故鄉猶是種車
毳幕方非我舊里惡我怨恨方好我麗美少長深聞
方不識軍壘寒以暴骨方飼肉螻蟻偷生苟活方展

轉北徙七拍愁深方十載于此

天生亂離方使我漂轉隨奔流一身何惜方吁嗟天
子不在殿上頭落一安得壯士方挽天上之銀河爭
洗腥膻方四海之外為王州製茲八拍方聊遊優一
木不春方天地愁

漢節住方北海邊羗乳烏白方豈真然烏頭可白方
羗羊有時或乳恐不見漢日兮一去十九年我方不
怨天彼丈夫方遭惡緣孤鴻礙目方鎖寒烟九拍擬
古方心自傳

昭君寸心誰能滅琵琶祗今怨不歇胡風不殺漢宮

恩隊草青亡古塞月河漢同方歸路絕徑妾身方更
幽咽君爲萬乘方不得救十拍調苦方眼凝血
我生爲親非畏死譬諸貞妻方不屑以死將魂魄方
爲桐梓爲琴瑟國方事畢矣累亡械柩方囚高壘東
隣夫婦方西隣子鞭之辱之方驚且恥數日嘔泄方
如食汚鄙十一拍方吊古傷今爛吾腸方乾吾髓
治日常少方亂日常多安得太平風日方奏雲和雲
和奏方采薇歌四夷臣妾方安用戈季世失道方狼
烟起天子之民方胡地身子卿東還方遇明君明妃
不遇方各有因十有二拍方天不均天不訟方私自

陳

我生三子方捨汝何歸抱汝乳汝方泣製胡衣君不
我遣方遠送驂駢喜與愁方邈難知自分膏草方喜
遇時枯楊再華方陰谷生暉雖然母去方兒不歸擬
愁高山方山可移心膽俱喪方肢體遺十有三拍方
喜難塞悲西風吹淚方慟不自知

我呼兒方兒復我隨終日相携方忍朝飢臨別情深
方哀不裹枕膝過夜方河漢移來時送死方每祝歸
期去日隔生方不忍違斯兒今尙幼方莫我知悲贈
汝一片月方待汝壯時十有四拍方星斗垂未歸泉

下方長相思

十五拍方心局促踏來路方愈多胡曲胡與漢方不
同俗舍胡歸漢方隨漢欲鳴泉響徹方濯我足披溱
苦淚方一分深無山不登方無水不臨山高水長方
恨何任萬里棄兒方作商參塞雲苦長方雁鴈尋
十六拍方天蒼茫鴻鴈將雛方向何方翻身入雲方
不得望心隨鴈翼方屢回腸寄言邊地方莫相忘遙
憐稚子方不解憂傷愁城欲破方入醉鄉醉鄉愁緒
方千尺長白髮數莖方減鬢蒼孤身百歲方長災殃
十七拍方聲更酸生到王城方念死難痛定難堪痛

時苦關山雨雪方應漫七初見親戚方唇焦口乾喜
心翻劇方淚痕千痕間里蕭條方卸隴寒桑梓殄瘁
方門戶單包羞掩面方不自安淚灑風前方倚欄干
笳聲外發方感從中悲歌代哭方萃亦同身未死方
恨何終胡未滅方怨何窮爭知匈奴遠道方非衛霍
之功要使萃夷謹嚴方不與人烟通缺三方馬牛其
風漢民何西方胡馬何東十有八拍方響徹晴空千
愁萬恨方盡向方寸容

雜著

四書疑

問庸學語孟皆聖賢垂世大訓也曲暢旁通相爲表裡而子朱子以爲先讀大學以定其規模次讀論語以立其根本次讀孟子以觀其發越次讀中庸以究其微妙分別而言何歟所謂規模根本指何事而言歟發越微妙指何說而發耶孟子無立本之地大學無微妙之趣歟

對孔孟曾思同一道也庸學語孟同一書也因書以究其道則道無不同由道以究其書則書各有旨蓋大學述此道之體而規模定論語明此道之源而根本立孟子說此道之用而發越見中庸形此道之蘊

者而微妙著所謂規模也根本也發越也微妙也雖所指必異而無非此道之發也夫朱子之於孔孟曾思也得其書而傳其道者也業相同道相若而豈無所見於其間哉愚請得而辨之夫大學體此道者也其綱有三曰明德也新民也止至善也其目有八曰格物也致知也誠意也正心也修身也齊家也治國也平天下也為學者苟能明德以新民新民以至於止至善則三綱之道張矣苟能格物以致其知識意以正其心用之於身而身修行之於家而家齊推之於國而國治施之於天下而天下平則八條之目修

矣綱既張矣條既修矣則萬本皆正而規模定矣若
規模不定雖事事而理之如整亂絲其不可治也明
矣然則爲學而不知大學之規模其可乎論語源此
道者也以學而一篇觀之以孝弟爲行仁之本行仁
而不本孝弟則不能愛親敬長而不循其性矣以時
習爲明善之本明善而不本時習則不能慎思明辨
而不復其初矣以忠信爲傳習之本傳習而不本忠
信則不能反身守約而不省其身矣三者之行如枝
葉之有根本根本既立則枝葉自茂矣然則爲學而
不知論語之根本可乎孟子以亞聖之資生周衰之

末不能得位行道而區區於言語之間以論其邪說
則曰能言距楊墨者聖人之徒也以論其事君則曰
格君心之非一正君而國正矣論王道則必稱湯武
論性善則必稱堯舜論四端則以惻隱羞惡辭讓是
非爲之端英氣奮發隨事而變千變萬化未始有極
其發越之氣凜凜狀有不可犯者矣狀則爲學而不
知孟子之發越其可乎中庸一書子思明道之書也
是道也合衆途於一軌會萬理於一心體雖具於方
才之間而其所以爲體則實與天地同其大蓋萬物
無所不備而無一物出乎是理之外用雖發於方寸

之間而其所以爲用則實與天地相爲流通萬事亦無所不實而無一事不行乎是理之中其曰天命之謂性率性之謂道者是理之源於天者也其曰鸞飛戾天魚躍于淵者是理之著於上下者也其曰費而隱者萬事之散也其曰無聲無臭者一理之合也此道之微妙所以貫動靜一顯微洞徹表裡終始無間者也然則爲學而不知中庸之微妙其可乎由茲以觀四聖賢之道初舜二致大學主言三綱八條而道之規模所以定論語主言孝弟忠信而道之根本所以立孟子之書千變萬化而道之發越所以行中庸

之理顯微無間而道之微妙所以著此其本末雖殊其實一理而已安有孟子無立本之地而大學無微妙之趣耶子朱子以大賢之資得千載不傳之學心孔孟曾思之心道孔孟曾思之道惟恐終始不明而學者不知進德之次故使先讀大學以爲綱領之要次讀論語以爲操存涵養之實次讀孟子以爲體驗允廣之端三者既通然後會其極於中庸以喻其至道之妙其教人入德之門淵乎淵矣愚見如是進而教之謹對

殿策

臣對恭惟 主上殿下尊臨大寶統紹鴻基明照日月知周萬務心存乎帝王之心治紹乎帝王之治思蒼皇天付畀之命 祖宗付托之重夙夜兢亡致亡求治尚慮闕遺下詢芻蕘此大舜好察邇言文王望道未見之心 臣雖無識敢不倒廩傾困裨萬分一伏讀 聖策曰道有升降政由俗革止隆古之治果可復於後世歟 臣有以知 殿下祖堯舜憲文武而薄漢唐之盛心也 臣竊謂道有升降故有唐虞之道有三代之道有漢唐之道政由俗革故堯舜施仁義之政以陶雍熙之俗禹湯文武行唐虞之政以成泰和

之俗漢唐之君承唐虞三代之俗不能致雍熙泰和之治豈非世道之降人心之變有以致之歟噫唐虞三代仁義之俗不可尚已魏徵假其名猶且救澆濁之習而成貞觀之治况能行唐虞三代之道而不能復唐虞三代之盛治乎德藝謬妄之說 臣不信也 臣伏讀 聖策曰予以否德止其何以厚風俗而嚴名分平獄訟而一法禁歟 臣有以知酌古準今移風易俗之盛心也 聖心既薄漢唐則 臣敢不陳唐虞三代之道以救其弊乎管子曰禮義廉恥是為四維四維不張國乃滅亡狀後 臣知四維為天下之大坊也

夫風俗之不厚無義毀之也先王知其狀卽爲之制
義以制人欲於是有不率之罰有不睦之罰有不順
之罰使奴隸眼事於主而一家之君臣定妻妾承順
於夫而一家之天地正兄弟相友而如鴻鴈之不可
紊男女有別而如陰陽之不可亂以此坊民猶恐不
從况毀大坊以亂之哉恭惟我 殿下以堯舜之資
陶唐虞之治敷教之臣有如夔者有如契者相與扶
植綱常變移風俗互無一人之背義者而奴隸戕主
者有之妻妾害夫者有之兄弟相殘者有之男女相
瀆者有之此臣之未喻一也各分之不嚴無禮毀之

也先王知其然卽爲之制禮以節人心辨長幼之序
定貴賤之分少以事長賤以承貴而無狎侮之心至
於朝廷之上濟上相讓君臣之間以敬爲主廉陛之
等截狀如天地之不可易以此坊民猶恐不從况毀
大坊以亂之哉恭惟 殿下以堯舜之資陶唐虞之
治典禮之官有如伯夷者相與講明典章定名正分
宜無一人之悖禮者而少陵長者有之賤妨貴者有
之其弊至於朝廷少禮讓匹夫好訕上此臣之未喻
二也獄訟之不平不廉毀之也先王惡其然也嚴貪
黷之刑以懲之重廉簡之賞以勸之不虐歟告而無

鬻獄得貨之譏不畏權勢而有剛亦不吐之美寧受
不經之責而不忍無辜之死以此坊民猶恐有違况
毀大坊以亂之哉恭惟 殿下以堯舜之資陶唐虞
之治聽訟之臣有如皋陶者秉曲直之柄妍媸輕重
難逃於衡鑑臣無不平之患而或有徇私上下其手
者有之此臣之未諭三也法禁之不一無恥毀之也
先王惡其狀也設五刑之制使民知畏而不知犯執
此之政堅如金石行此之令信如四時譬如江河在
前可遠而不可狎故上無弄法之吏下無犯法之民
以此坊民猶或有違况毀大坊以亂之哉恭惟 殿

下以堯舜之資陶唐虞之治執法之臣有如蘇公者
有罪不以賄賂而脫之無罪不以貧賤而被之臣無
不一之弊而或有舞文毒害貧民者臣之未諭四也
噫天下之大坊既毀天下之風俗何恠其不厚各分
何恠其不嚴獄訟何恠其不平法禁何恠其不一哉
臣聞導水者必濬其源植木者必培其本知風俗之
不厚由無義以毀之則不若先明乎義以厚天下之
風俗伏願 殿下以堯舜之心爲心申命如契者數
五教以制人欲則安有奴隸戕主妻妾害夫兄弟相
殘男女相瀆之亂哉知名分之不嚴由無禮以毀之

則不若先明乎禮以嚴天下之名分伏願 殿下以堯舜之心爲心中命如伯夷者明典禮以正人心則安有少陵長賤妨貴朝廷少禮匹夫訕上之亂哉知獄訟之不平由不廉以毀之則不若先明公直之道以平天下之獄訟伏願 殿下以堯舜之心爲心中命如臯陶者明賞罰以示勸懲則安有徇私上下其手之患哉知法禁之不一由無恥以毀之則不若先明善惡之教以一天下之法禁伏願 殿下以堯舜之心爲心中命如蘓公者嚴黜陟以除法外之奸則安有舞法毒害貪民之患哉 臣所陳於前者 殿下

不用則已用則必臻其效既臻其效則堯舜禹湯文武之治奚不可幾及之有哉 臣伏讀 聖策曰茲者天道不寧止轉災爲祥豈無其術乎 臣有以知 殿下遇災而懼側身修行之盛心也 臣聞天地萬物本吾一體吾之氣順則天地之氣亦順吾之氣不順則天地之氣亦不順故人事感於下則天變應於上 臣不知 聖明之下安有不順之事而災變疊興乎 臣潛心 聖策反覆籌之昔東海有怨婦而六月降霜則天道之不寧在於法禁之不一也河南大旱獄決而雨則天道之不寧在於獄訟之不平也小者如此

則况大而名分之不嚴風俗之不厚豈不召災致禍哉雖狀此不足為殿下憂也非不憂也不憂之有其道耳何則古之帝王莫盛於堯湯當是時風俗皆已敦厚禮樂刑政皆已修理猶未免九年之水七年之旱堯湯不委之天數而猶曰警予罪予故水旱不足為堯湯病伏聞殿下遇災之日坐不安席寢不得寐深究致災之由不謀於卜筮而謀於卿士不謀於卿士而謀於草澤之儒豈不以荒村藪屋之中猶慮匹夫匹婦不霑聖化而欲聞千慮一得之愚歟聖念至此豈不轉禍災為祥瑞乎伏願殿下以堯

舜之心為心明禮義以厚風俗則天常自不止於亂矣明禮義以嚴各分則簾陛自不止於無等矣礪廉恥以平獄訟則徇私之患自無矣礪廉恥以一法禁則虐民之弊自息矣四維既張則教化興行教化興行則將見鳳凰鳴岐龜龍在藪諸福之物可致之祥莫不畢臻豈止弭前日之災而已臣伏讀聖策曰子大夫博古通今止細繹以對臣學術荒疎安敢奉大對區區之心不能自已故於篇終竊有獻焉始勤終怠者衆人之常情慎終如始者聖人之要道是故天地有常運而後歲功成帝王有常德而後治功著

殿下德配天地明同日月風俗雖厚矣名分雖嚴矣
獄訟雖平矣法禁雖一矣 殿下之心不一則譬如
爲山九仞功虧一簣臣未知其可也伏惟 殿下明
一心以行四維終始此心終始此治則生民幸甚
國家幸甚萬世幸甚干冒天威不勝戰慄之至臣謹
對

謝箋次丁

伏蒙 主上殿下特遣內醫賚藥療病又 令本道
觀察使食物備給不勝兢惶感激之至謹奉箋稱謝
者臣某誠懼誠忭稽首稽首上言伏以春風著物仰

乾坤之洪恩病草生華雨露之霈澤情由衷激涕
隨言零伏念臣補國無能榮身逾分災生負乘病方
極於二豎之後淚濕苦塊憂未終乎三年之制豈意
白日下照窮廬忽驚內醫之到門俄又華使之傳
命盤飧羅列於堂上珍劑投溷于甕中云云恩實深
於再生喜有同於勿藥光浮宗族榮動臣隣茲蓋伏
遇 主上殿下記錄小勞棄滌細過知愚臣雖多捐
埃之補惟 至仁不遺犬馬之微遂令庸姿濫荷殊
寵臣敢不死生殉國夷險忘軀一寸丹心縱白首而
愈靡三呼萬歲祝南山之遐齡臣無任望天仰 聖

撒功屏營之至謹奉箋稱謝以聞

日本書契

朝鮮國王奉復日本國王殿下專使辱問具審康吉
開慰所驗牙符自第一至第十依前去體樣更造但
其刻誌用今紀年將左畔十枚就付來使惟領留今
來第二第三符圖所餘舊符後日使介之來並見還
為佳兩國修聘驗此為信以堅隣好宜毋慢藏且以
兩符各授兩使同時而來前無是例亦非舊約雖數
事並委一使何嘗於義自今遣信勿授兩符幸甚源
義宗等六人有其先世通信於我今不必更給圖書

依舊約受符驗於殿下以來為便源吉光等三人以
今來墨印為信遣船事既無古例又無功勞實難副
命惟恕量冀順序珍重

曾祖護軍公墓碣

嗚呼我曾祖宣畧將軍後領護軍府君金公之墓
皇明弘治十四年九月日曾孫某奉父命略述世德
列諸墓表曰曾祖諱南浩字某光州人侍中諱周鼎
之後世居光州由侍中若干世有諱流官卒文林郎
監察御史御史生奉翊大夫版圖判書諱允臧判書
生折衝將軍全羅道右道都萬戶諱成甫以王命討

海寇師過保寧見樂土爲墟因家焉萬戶實生曾祖
由曾祖以下凡四世不遷金氏遂爲保寧人曾祖行
高位卑德厚心廣處家以嚴人或勸其殖貨爲子
孫計者必對曰富則驕亡則多怨富而多怨取禍之
道嗚呼若子若孫有能法曾祖者庶幾永保家業矣
享年六十四以疾終于青蘿里第葬于睦忠里之馬
山原塋于墓左曰妣興德陳氏之墓昌陽君諱斯文
之後克全婦道閨門肅清男五人長我顯祖考諱仲
老中甲子武科丁卯重試官至司憲府監察餘皆未
顯女二人皆歸爲士人妻我祖考與祖妣及我先妣

皆葬馬山原登原而望昭穆有序壤樹相接吁其有
所感也夫曾孫克成雖不敢稱道先德亦無以垂示
後昆其刻石也叙其事而無銘焉弘治十四年九月
日曾孫宣務郎守司憲府監察克成謹誌

從祖墓碣

金出於光州有版圖判書諱允臧生都萬戶諱成雨
因倭寇北徙家保寧今五世萬戶生護軍諱南浩護
軍有子男五人公最末於吾先君季父公事燕遊不
樂仕進居於鄉不與人忤喜吹笛酒酣輒奏鄉人達
之無子女擇宗人堪爲後者得吾亡兄克和不幸早

沒公哭之痛屬我先君曰吾不分和今天和之季有
奇偉氣他日成立必不負人托第念吾福薄年且暮
兒童不可待以托後今以家具累君待彼成立付之
蓋指克成也公諱興老成化二十一年四月八日以
疾終享年五十五葬于白月之西未五里西向之原
村曰昌洞後十四年克成作殿魁累遷為議政府舍
人歲丙寅加靖國功臣之號來歸寧先君執手言曰
季父公之言不誣矣今以季父公之托我者托汝汝
其勉之越五年辛未克成丁先君之憂將治墓表因
念公之托我先君也如彼先君之戒孤也如此公之

亡也余尚幼葬無誌今又無辭以銘于墓則無以垂
示子孫以永公托茲立小石碑于墓前公娶海美金
氏公亡歸歿于其族因葬焉穴于公宮之傍曰側室
吳氏之墓銘曰

受人之托思不負刻銘于碑圖久存歲時享祀俾
勿替嗚呼我若子若孫

皇祖詩篇後識

暇日侍家君于書齋家君追念先祖遺德因記皇
祖所賦詩若干篇命余記之其良才驛詠柳詩曰
濃低如醉復如眠更教鶯兒就舞筵知汝未醒彭

澤酒只今垂手戲風前其利涉樓詩者南海縣令
時作樓在露梁東南海邊水急難舟渡極艱險詩
曰頭流南極碧波頭臣是懷忠子是愁坐愛清香
江上月含毫朗詠不知畱其齋宿彌勒庵詩者
世宗昇遐及祔廟 文宗大漸令各道守令祈禱
于靈山皇祖承 命來此寺作詩曰松韻江聲共
蕭瑟僧雲分得一間閒通宵杜宇難堪聽只在嵩
呼萬世安其贈崔耆卿詩者新監司李崇之闕招
迺命于晉州歷入昆陽太守崔性老脫膝勸晉欲
遊東川皇祖以監司近在境邑辭崔曰君推此意

爲詩贈我卽送皇祖爲賦此詩贈之崔不得畱南
還詩曰雨晴南浦氣微涼景物繁華日正長每憶
西湖遊勝槩恐他鶯舌漏甘棠其寄耆卿者昆陽
守以詩寄來曰屢逢天禍問何緣哭望雲衢鎖碧
烟寄語花田金太守蝶稀殘夢淚潸然皇祖次韻
荅之詩曰天佐東方未幾緣金門空鎖絕祥烟當
時事業惟周頌孰賦幽詩遂 缺然

詩言志陶潛志於歸田而其詩大率皆田園事杜甫
志於愛君而其詩大率皆憂世語志之形於詩者如
此余觀皇祖詩數絕非樵文章可觀其忠君勤國之

志著於言語者皆可法也觀利涉樓一絕則志在於
頃刻不能忘君觀贈昆陽崔性老一絕則不忠者可
以寒膽言之形於詠歌者雖甚畧而志之闕於世教
者爲甚大後世子孫有志當世修其身孝於親忠於
君者不法皇祖則可以繼志述事云乎哉

弘治丁巳陽月十五日誌

金先生憂亭集卷之四

